

**Հայաստանի Հանրապետության Գեղարքունիքի մարզպետ Կարեն Սարգսյանի
շնորհավորանքի խոսքը՝ Երիտասարդության միջազգային օրվա առթիվ**
12.08.2026

Սիրելի՛ երիտասարդներ

Այսօր նշում ենք Երիտասարդների միջազգային օրը՝ ընդգծելով այն ուժը, գաղափարներն ու ներուժը, որոնք ձևավորում են մեր երկրի ապագան: Երիտասարդությունը միայն տարիք չէ, այլ մտածողություն, համարձակություն և նոր գաղափարներ իրականացնելու պատրաստակամություն: Ձեր ուժը ձեր բազմազանության և միասնական ներուժի մեջ է՝ անկախ նրանից՝ ապրում եք քաղաքում, թե գյուղում:

Դուք եք նրանք, ովքեր սովորում են, զբաղվում գիտությամբ, սկսում իրենց առաջին քայլերը աշխատաշուկայում, ստեղծում բիզնեսներ, զարգացնում գյուղատնտեսություն, տեխնոլոգիաներ ու արհեստներ, ինչպես նաև ստեղծագործում մշակույթի, արվեստի և սպորտի ոլորտներում՝ ներկայացնելով Հայաստանը նաև միջազգային հարթակներում:

Հատուկ կարևոր է նաև այն, որ յուրաքանչյուր երիտասարդ՝ անկախ սոցիալական պայմաններից կամ հնարավորությունների սահմանափակումներից, պետք է ունենա հավասար հնարավորություն կրթվելու, աշխատելու, ստեղծելու և իր ներուժն իրացնելու: Արդար հասարակությունը հենց դա է ենթադրում:

Մենք պետք է ոչ միայն խոսենք երիտասարդների մասին, այլև լսենք նրանց, ներգրավենք որոշումների կայացման գործընթացներում և ստեղծենք իրական մասնակցության պայմաններ:

Երկրի զարգացումը՝ լինի դա տնտեսություն, գիտություն, մշակույթ, թե համայնքային կյանք, անհնար է առանց երիտասարդների ակտիվ մասնակցության: Սիրելի՛ երիտասարդներ,

Մի՛ վախեցեք մեծ նպատակներից և սխալվելուց: Ձեր գաղափարները կարող են փոխել ձեր կյանքը, ձեր համայնքը և մեր երկիրը:

Հավատացե՛ք ձեր ուժերին և միմյանց: Մեր ապագան միասին ստեղծվող ճանապարհ է:

Թող յուրաքանչյուր երիտասարդ ունենա իր երազանքն իրականացնելու հնարավորություն, իր ձայնը լսելի դարձնելու իրավունք և իր երկրի ապագան կերտելու վստահություն:

Շնորհավորում եմ Երիտասարդների միջազգային օրվա առթիվ:

Հայաստանի ապագան մենք այսօր ենք կերտում միասին: